

ՄԵՐ ՀՈՒՅԼՅԱՐՆԵՐԸ

ՄԱՐԻԵՏԱ ՇԱՀԻՆՅԱՆ

Շուրջ ութ տասնյակ գրքերի, գրականագիտական մեծարժեք մենագրությունների, հարյուրավոր ակնարկների ու հրապարակախոսական հոդվածների հանրանանաչ հեղինակ Մարիետա Շահինյանը պատկանում է նախահեղափոխական ուսական մտավորականության այն ներկայացուցիչների թվին, ովքեր անվերապահ ընդունեցին Հոկտեմբերյան մեծ հեղափոխությունը և առաջին իսկ օրերից ազնվաբար կանգնեցին նրա հաղթանակը ամրապնդողի պատվավոր դիրքերում, լծվեցին սովետական գրականության ստեղծման դժվարին գործին:

Ծնվել է 1888 թ. ապրիլի 2-ին Մոսկվայում, Լազարյան հեմարանի սան, Մոսկվայի համալսարանի դասախոս և ժամանակի ականավոր ախտորոշողներից մեկի՝ Սարգիս Շահինյանի ընտանիքում:

Բանաստեղծությունների անդրանիկ ժողովածուն՝ «Առաջին հանդիպումները» լույս տեսավ 1909 թ.: Այն դեռևս կրում էր սիմվոլիստների ազդեցությունը, սակայն հանդիպում էին բանաստեղծություններ, որոնցում երիտասարդ բանաստեղծուհին փորձեր էր անում հակադրվելու սիմվոլիստական վերացականությանն ու միստիկային:

1913 թ. լույս տեսավ Մ. Շահինյանի բանաստեղծությունների երկրորդ ժողովածուն՝ «Օրիենտալիան», որը խոսում էր բանաստեղծուհու՝ կյանքին ռեալիստորեն մոտենալու և այն կոնկրետ պատկերելու ոչ միայն սուկ ցանկության, այլև որոշակի հաջողության մասին: «Օրիենտալիայում» գետեղված էին «Հայաստանին», «Հայ ժողովրդին» հիանալի բանաստեղծությունները, որոնցում հեղինակը որդիական կսկիծով ու ցավով էր խոսում «հեռավոր հայրենիքի», տառապյալ ու «անտուն» հարազատ ժողովրդի դառը հակատագրի մասին:

1915 թվականին Մ. Շահինյանը գրում է նախահեղափոխական շրջանի իր ամենածավալուն ու վերջին գործը՝ «Յուր հակատագիրը» վեպը, որտեղ պատկերված էր այն հեղձուցիչ մթնոլորտը, որում գտնվում էր ուսական մտավորականությունը Հոկտեմբերին նախորդող տարիներին: Վեպից ստացված հիմնական տպավորությունն այն էր, որ այդպես ապրել այլևս հնարավոր չէ: Միակ փրկությունը ակտիվ գործունեությունն է, աշխատանքը:

Մ. Շահինյանը Դոնի Ռոստովում էր, երբ տեղի ունեցավ Հոկտեմբերյան հեղափոխությունը: Այն մասին, թե ինչպես հեղափոխությունը հանդիսացավ նրա վաղեմի իղձերի իրականացումը և թե ինչպես նա լծվեց հեղափոխության հաղթանակից հետո սովետական առօրյային ակտիվորեն մասնակցելու պատվավոր գործին, Մ. Շահինյանը գրում է «Ինչպես էս դարձա տեխնիկ գործի հրահանգիչ» ինֆնակենսագրական ակնարկում, որտեղ պատմվում է, թե ինչպես նա Ռոստովում հիմնադրում է տեխնիկ ուսումնարան, շրջում շրջակա կազակական ու հայաբնակ գյուղերը և օգնում վերականգնելու ֆայֆայված տնտեսությունը:

1920 թ. Մ. Շահինյանը մեկնում է Պետրոգրադ, որտեղ Մ. Դորկու շուրջը համախմբվել էին հին մտավորականության լավագույն ներկայացուցիչները: Նկատելով հետադեմ մտավորականության մի մասի հակաժողովրդական տրամադրությունը, Մ. Շահինյանը 1921 թ. դեկտեմբերին Պետրոգրադի «Լիզվեստիա» քերթում հանդես է գալիս «Մի երկու խոսք ուսական մտավորականության մասին» կրճատ հոդվածով:

1920-ական թթ. սկզբներին Շահինյանը ձեռնամուխ է լինում բազմա-ցիական կոլիվների, սովետական իշխանության առաջին փուլերի պատկեր-մանը: Դրանք «Փոփոխություն» (1923 թ.), «Վերնախափի տիկնոջ արկած-ները» (1924 թ.) վեպերն էին, «Ազիտվագուն» հիանալի պատմվածքը: Հեղի-նակի օրագրերի, ինչպես նաև ժամանակի լրագրային հոդվածների և փաս-տական լայն նյութի հիման վրա գրված «Փոփոխություն» վեպ-եղբյու-րյունը բազմապիսի կոլիվներին նվիրված լավագույն գործերից է, որ-տեղ պատկերված են Ռուսաստանի հարավում սովետական իշխա-նության հաղթանակի համար մղված մարտերի դրվագները: «Փոփոխությու-նը» ժամանակին արժանացել է Վ. Ի. Լենինի դրվատանքին: Այդ մասին «Красная новь» ամսագրի խմբագիր Ա. Վորոնսկին Շահինյանին 1923 թ. մարտի 17-ին գրած նամակում ասում է. «Դիտե՛ք, Ձեր գրվածքները շատ են դուր գալիս ընկեր Լենինին...» (Մ. Шагинян, Дневники 1917—1931, Մ., 1932, էջ 68):

1922 թ. սեպտեմբերի 17-ին Մ. Շահինյանը «Правда» քերթի մանդա-տով երկարատև գործույման է մեկնում Անդրկովկասի հանրապետություն-ները: Մեկը մյուսի հետևից լույս են տեսնում նրա փայլուն ակնարկները Հա-յաստանի, Վրաստանի, Ադրբեջանի մասին:

Սա Մ. Շահինյանի երկրորդ այցելությունն էր Հայաստան: Առաջինը 1917 թ. էր, երբ սովի և աղբատության, անթիվ գաղթականներով ողողված երկիրը պատերազմի հետևանքով անդունդի եզրին էր հասել: Այլ պատկեր է հառնում գրողի առջև այժմ. «Փոփոխված Հայաստանը այժմ իրենից ներկայաց-նում է այն պատմական իրողությունը, թե որքան նիշտ է ու արգասաբեր մեր դարի ինտերնացիոնալի միտքը: Բազում տարիների ընթացքում նա առաջին անգամ է խաղաղությամբ շնչում, ո՛չ թե խոսքով, ո՛չ թե քրքրի վրա կամ լո-զունգներում՝ նրա խրեթեղներին խաղաղություն է պարգևվել», — գրում էր Մ. Շահինյանը («Советская Армения», Մ., 1923, էջ 26):

Ինչպես երիտասարդ հանրապետության մասին ակնարկները, այնպես էլ Հայաստանի առաջին գյուղատնտեսական համագումարի նյութերը, որոնք ամենայն մանրամասնությամբ ու բարեխղճությամբ սղագրվել էին Շահին-յանի կողմից, ամփոփվեցին նրա «Սովետական Հայաստան» գրքում: Այս-տեղ առաջին անգամ համամիութենական ընթերցողին պատմվում էր մեր երիտասարդ հանրապետության մասին: Այլ Մյասնիկյանը Շահինյանին գրած նամակում նշում էր. «...Ձեր վերջին գրքերը, հատկապես «Սովետական Հա-յաստանը» մեզ ուրախացնում են» (Ա. Ե. Маркарян, Мариэтта Шагинян, Ереван, 1956, էջ 36):

Այսպիսով, սկսած 1920-ական թթ., Մ. Շահինյանի ստեղծագործություն-ներում կարևոր տեղ է գրավում սովետահայ իրականությունը, որը զգալի դեր խաղալի Շահինյանի՝ որպես սովետական գրողի վերջնական ձևավորման, նաև նրա հայտ «Հիդրոցենտրալ» վեպի ստեղծման գործում: Այս կապակցու-

բյամբ ինքր Մ. Շահինյանը դեռևս 1930-ական թթ. գրել է. «Հայաստան ժամանելը ինձ մոտ կրկնվում է... մի ֆանի անգամ և հանդիսանում է շափի յուրօրինակ մի միավոր. յուրաքանչյուր անգամ արդեն այն երկիրը չէ և նյութի ընկալման այն եղանակները չեն, իրականությանը մասնակցելու այն աստիճանը չէ» («Дневники 1917—1931», էջ 8):

Հիրավի, սովետահայ իրականությանը նվիրված 1920-ական թթ. իր բազմաթիվ ակնարկներում ամեն անգամ նյութի ընկալման նոր եղանակ, նոր ձև է փնտրում Մ. Շահինյանը, նրանցում արժանավատ արժեքների հանդեպ ցուցաբերելով կրճատ ու դիբոռոչված վերաբերմունք, դրանց հաղորդելով հեղինակային «ես»-ի անմիջականությունը, հարցերը ուսումնասիրում ամենայն մանրամասնությամբ և բարեխղճությամբ: Քերևս դա է պատահար, որ այդ ակնարկներից շատերը մինչև օրս էլ պահպանել են իրենց կարևորությունը հանրապետության այն տարիների տնտեսության, մշակույթի, մարդկանց մասին մեր այսօրվա պատկերացումները ամբողջական դարձնելու գործում:



Մ. Շահինյանը անմիջական մասնակցություն ունեցավ Ջորազեսի կառուցմանը: Նորակառույցի առօրյան էլ հանդիսացավ «Հիդրոցենտրալ» (1931 թ.) վեպի նյութը: Սովետահայ իրականության բազմաթիվ կարևոր կողմեր իրենց ռեալիստական արտահայտությունը գտան վեպում: Նրանում հատկապես լավ է պատկերված հայ գյուղի զարթոնքը: Մ. Շահինյանը Ջորազեսի շինարարությանը մասնակցելու համար պարզապես Աշխատանքային կարմիր դրոշի շֆանշանով: Հայաստանի Կենտրոնականի որոշման մեջ այս կապակցությամբ ասված էր, որ Շահինյանը «իր գրական գործերով աշակցել է հիդրոկայանի շինարարության արագ ավարտին»:

1951 թ. ՍՍՀՄ պետական մրցանակի արժանացած «Ճանապարհորդություն Սովետական Հայաստանում» (1950 թ.) գիրքը հեղինակի շուրջ ֆառասնամյա աշխատանքի հանրագումարն է: Հայ ժողովրդի անցյալի, ներկայի և ապագայի մասին այս երկը իր մեջ ներառված հարուստ նյութով, սովետահայ իրականության բազմաթիվ ու բազմաբովանդակ փաստերով հանդիսանում է մի հանրագիտարան-տարեգրություն, որն իր տեսակի մեջ առաջինն էր ու, ինչպես Մ. Շահինյանի բազմաթիվ գրքերը, միանգամայն նորարարական: Սա էր պատճառը, որ այն բարգմանվեց սովետական ժողովուրդների ու արտասահմանյան լեզուներով, սկիզբ դրեց սովետական գրականության մեջ մի շարք նույնատիպ գրքերի՝ Միության մյուս հանրապետությունների մասին:

Հայրենական մեծ պատերազմի տարիներին Մ. Շահինյանը իր ակնարկներով, հրապարակախոսական հոդվածներով, գործարաններում, կոլտնտեսություններում ունեցած ելույթներով օգնում էր Հայրենիքին: Նրա երկարատև

շրջագայությունները Ռուսլուս և Սիբիրում օգնում են գտնել այն բնորոշը, որը հատուկ էր մեր մարդկանց՝ Հայրենիքի ծանր օրերին, վեր հանել քիլոմետրի համար կարևոր տնտեսական, մշակութային, գաղափարական հարցեր: Պատերազմի տարիներին լույս տեսած «Ուրալի պաշտպանությունը» (1944 թ.) գիրքը քիլոմետրի հիանալի մարդկանց մի ամբողջ պատկերասրահ է:

Շահինյանի հանապարհորդությունները հայրենի երկրով շարունակվում են Հայրենական պատերազմից հետո ևս: Նա անցնում է հետպատերազմյան հնգամյակի հանապարհներով՝ Ղազախստան, Սիբիր, Մուսոմանսկ, Կերչ, Անդրկովկաս: Արդյունքը՝ «Հնգամյակի համփաներով» (1947 թ.) ակնարկների ժողովածուն է, որտեղ մեղինակը իրականության առանձին դեպքերը դիտում է երկրի հետպատերազմյան վերականգնման ու զարգացման միասնության մեջ և այդ տեսանկյունով էլ հայտնագործում այն նորը, որը բնորոշ է սովետական մարդուն պատմական տվյալ ժամանակաշրջանում:

Գիտական մեծ արժեք է ներկայացնում Մ. Շահինյանի «Գյոթե» ուսումնասիրությունը (թարգմանված է մի ֆանի լեզուներով), իսկ 1955 թ. նրեվանում լույս տեսած «Հայտնություններ Նիգամու մասին» աշխատությունը եղբայրական Ադրբեյջանի մեծ բանաստեղծի ստեղծագործության մի շարք հարցերի խոր գիտական ուսումնասիրությունն է:

Լենինյան բեման Մ. Շահինյանի՝ տասնամյակներ հարստևող հետաքրքրություններից է. նրա ամենամեծ նախասիրություններից մեկը: Շահինյանը դրան անդրադառնում է որպես սեփական գեղարվեստական ստեղծագործությունը սենդ աղբյուր, գրողի՝ մեր իրականության անկյունաքարային մի շարք երևույթների ուսումնասիրման հուսալի աղբյուր և անում այդ բոլորից բխող գեղարվեստական հայտնություններ, հանգում ինքնատիպ մեկնաբանությունների:

1938 թ. Մ. Շահինյանը ավարտում է լենինյան իր ֆառապատումի առաջին մասը՝ «Ուլյանովների ընտանիքը» վեպ-ժամանակագրությունը (հետագայում այն վերանվանվեց «Ուրդու ծնունդը»): Գրքի մասին դրվատանքի խոսքեր ասացին Ն. Կ. Կուսակայան, Լենինի եղբայր Գ. Ի. Ուլյանովը: «Մ. Շահինյանը ոչ միայն ֆիլսոֆ է Ուլյանովների ընտանիքի մասին եղած պատմական փաստերը, այլև դրանք մարմնավորել գեղարվեստական կերպարներում... Գիրքն ընթերցողներին ծանոթացնում է հետաքրքրությունների ու ակնկալությունների այն միջավայրին, որի մեջ ապրում էր Ուլյանովների ընտանիքը», — գրում էր Գ. Ուլյանովը («Известия», 1938, 24 марта):

Մ. Շահինյանի լենինապատումի հաջորդ մասը՝ «Առաջին Համառուսաստանյանը» (1965 թ.) պատկերում է անցյալ դարի 70-ական թթ. ուսական իրականությունը: Հեղինակը շի գունագարդում ո՛չ պատմական դարաշրջանը և ո՛չ էլ Լենինի հոր՝ Իլյա Նիկոլայևիչի, մոր՝ Մարիա Ալեքսանդրովնայի, ինչպես նաև մյուս պատմական դեմքերի կերպարները, վերակենդանացնում է հասարակական և ժողովրդական կյանքի այն ոլորտները, որոնք աննշվում էին Ուլյանովների կյանքի ու գործունեության հետ: Վեպում պատկերվում է երիտասարդության շրջաններում 1870-ական թթ. տիրող հակաբանական մրկությունը, որ Ռուսաստանում մարքսիզմը պրոպագանդելու պարարտ հող նախապատրաստեց: «Մարդուն դարաշրջանի պատմական իրադրության մեջ» նկարագրելու շահինյանական ունակությունը՝ դա առավելագույն նշգրտության ձգտելու, վաղուց անցած դարաշրջանը կենդանաց-

նելու, նկարագրվող երևույթներն ու դեպքերը «այսժամյա» դարձնելու մեջ է: Գրանով է պայմանավորված «Առաջին Համառուսաստանյանի» մեզ այնքան մոտ ու հարավատ լինելը: Հեղինակը կարողացել է անցյալի բարդ ու կենդան պրոբլեմները լուծելիս հանդես բերել գեղարվեստական մեծ տակտ ու կարողություն, գտնել պատմաբարության այն հիմքը, որի վրա պետք է ձևավորվեր լենինյան բնավորությունը:

Մ. Շահինյանի լենինյան ֆառապատումի երրորդ գիրքը («Հարցատոմս պատմությունից», 1960 թ.) նվիրված է Լենինի գիմնագիտական ավարտելուն, երբ երիտասարդ Վոլոդյա Ուլյանովը ֆննություն է հանձնում պատմությունից, քաջ գիտակցելով, որ դա սուկ ավարտական ֆննություն չէ, այլ հետագա կյանքի իրավունքը և ուղիները նշող մի իսկական փորձություն, որը խաբսված է այն խոր համոզմունքի վրա, թե կարելի է ժողովրդի համար հասնել մարդավայել կյանքի «ոչ թե միայնակ, ոչ այնպես, ոչ այն նանապարհով», ինչպես եղել է պատմության մեջ մինչ այժմ:

Քառապատումի վերջին՝ «Չորս դաս Լենինից» (1968 թ.) գրքում ևս հեղինակի մտքերը մարմնավորվում են ծանրակշիռ դիտարկումներում, իսկ ընթերցողին հուզելու և վարակելու ձիրքը նույնքան ներգործուն է, ինչպես ֆառապատումի նախորդ մասերում: Խոսելով այս գրքի մասին, Շահինյանը գրում է. «Ես այն անվանեցի «Չորս դաս Լենինից» այն պատճառով, որ... նրանում շոշափված են միայն լենինյան *մտածողության* առանձին մոմենտներ, նրա *իմացության տեսության* առանձին յուրահատկությունները, նրա վերաբերմունքը *բարոյախոսության պրոբլեմներին*, *արվեստագետի ստեղծագործությանը*, *մարդու վարքին*: Դա իրոք միայն չորս դաս է Իլլիչից՝ առնված հենց իրենից, նրա գրքերի ընթերցումից ու նրա մասին հուշերից» (ընդգծումները հեղինակինն են—Հ. Մ.):

Հայրենիքի հետ, նրա անծայրածիր համփաներում անեց ու ամրացավ Լենինյան և պետական մրցանակների դափնեկիր, Սոցիալիստական աշխատանքի հերոս. ՀՍՍՀ ԳԱ քրթակից անդամ Մարիետա Շահինյանի վաղուց արդեն զարմանք հարուցող բազմակողմանի տաղանդը, մի մարդու, որի ստեղծագործություններում ոչ միայն սեփական, այլև հայրենիքի կյանքն է ու նակատագիրը, համատեղ անցած երկար նանապարհը:

Կյանքի ինը տասնամյակը բոլորած, բազմամիլիոն ընթերցողների սիրելի գրողն այսօր էլ զարմանալիորեն լի է նախանձելի եռանդով, ստեղծագործական մտահղացումներով: